

关于兰陵王的作文

作者：小六 来源：网友投稿

本文原地址：<https://xiaorob.com/zuowen/jingpin/89403.html>

ECMS帝国之家，为帝国cms加油！

《关于兰陵王的作文》【第一篇】

卷珠箔。朝雨轻阴乍阁。
阑干外，烟柳弄晴，芳草侵阶映红药。
东风妒花恶。吹落。梢头嫩萼。
屏山掩、沉水倦熏，中酒心情怕杯勺。
寻思旧京洛。正年少疏狂，歌笑迷著。
障泥油壁催梳掠。
曾驰道同载，上林携手，灯夜初过早共约。又争信漂泊。
寂寞。念行乐。
甚粉淡衣襟，音断弦索。琼枝璧月春如昨。
怅别后华表，那回双鹤。
相思除是，向醉里、暂忘却。

《关于兰陵王的作文》【第二篇】

送春去。春去人间无路。
秋千外，芳草连天，谁遣风沙暗南浦。

依依甚意绪。

漫忆海门飞絮。

乱鸦过、斗转城荒，不见来时试灯处。

春去。最谁苦。

但箭雁沉边，梁燕无主。杜鹃声里长门暮。

想玉树凋土，泪盘如露。

咸阳送客屡回顾。斜日未能度。

春去。尚来否。

正江令恨别，庾信愁赋。苏堤尽日风和雨。

叹神游故国，花记前度。

人生流落，顾孺子，共夜语。

刘辰翁（1232—1297），字会孟，号须溪，庐陵（今江西吉安）人。其词多抒难以抑止的亡国之痛，格调悲凉沉咽，间有轻灵婉丽之作。况周颐称其词“风格”。有《须溪词》。

《关于兰陵王越调柳的作文》【第三篇】

柳阴直。烟里丝丝弄碧。

隋堤上、曾见几番，拂水飘绵送行色。

登临望故国，谁识。京华倦客。

长亭路，年去岁来，应折柔条过千尺。

闲寻旧踪迹。又酒趁哀弦，灯照离席，梨花榆火催寒食。

愁一箭风快，半篙波暖，回头迢递便数驿。

望人在天北。

凄恻。恨堆积。

渐别浦萦回，津堠岑寂。

斜阳冉冉春无极。

念月榭携手，露桥闻笛。

沉思前事，似梦里，泪暗滴。

更多 精品作文 请访问 <https://xiaorob.com/zuowen/jingpin/>

文章生成PDF付费下载功能，由[ECMS帝国之家](#)开发